

Paerewa Paetae

Aronga	Te Reo Rangatira 1.3		
Ingoa	Te whakapuaki whakaaro hei tuhinga whakamōhio		
Kaupae	1	Whiwhinga	3
		Aromatawai	Ā-waho
Marau akoranga	Te Marautanga o Aotearoa		
Kokonga akoranga	Te Reo Rangatira		
Mana rēhita	Kua rēhitatia	Te rā i mana ai	12 Hakihea 2013
Te rā e arotakengia ai	31 Hakihea 2019	Te rā i puta ai	12 Hakihea 2013

Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Paetae

ā-Tā, Āheinga Reo

- 1 *Ka whakaaro nuitia ngā pūkenga ka whakamahia e te kaituhi, e te kaitā e rangona ai tōna ake wairua tuhi, wairua tā rānei.*

ā-Tā, Rautaki Reo

- 6 *Ka āta whakamahi i ngā āhutatanga maha o ngā momo reo tuhi maha hei whakaniko i ngā tuhinga whānui.*

E hono ana ki te Papa Whakaako mō Te Reo Māori kei te pae ipurangi nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Te Hononga ki ngā Paearu Aromatawai

Kei tēnei pae ipurangi ngā Paearu Aromatawai mō tēnei paerewa paetae:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Paerewa Paetae

<p>Paetae Te whakapuaki whakaaro hei tuhinga whakamōhio.</p>	<p>Hei tohu i te paetae:</p> <ul style="list-style-type: none"> • Ka mārama te aronga. • Ka hāngai, ka whaihua te tuhinga kia aro mai te hunga pānui. • Ka whakaraupapa i ngā whakaaro kia tatū ai te kaupapa. • Ka hāngai ngā nuka reo me ngā tikanga tuhi ki te take tuhituhi.
<p>Kaiaka He kaiaka te whakapuaki whakaaro hei tuhinga whakamōhio.</p>	<p>Hei tohu i te kaiaka:</p> <ul style="list-style-type: none"> • Ka ū te aronga. • Ka āta whakaraupapa i ngā whakaaro. • Ka taunaki i ngā whakaaro kia mārama ai te aronga. • Ka hāpai ngā nuka reo me ngā tikanga tuhi i te take tuhituhi.
<p>Kairangi He kairangi te whakapuaki whakaaro hei tuhinga whakamōhio.</p>	<p>Hei tohu i te kairangi:</p> <ul style="list-style-type: none"> • Ka whakamahi huarahi kē atu kia kitea ai te aronga motuhake, arā, ko: <ul style="list-style-type: none"> – te tohe i te kaupapa – te raupapa me te taunaki i ngā whakaaro – te āta whakamahi i ngā nuka reo me ngā tikanga tuhi hei whakatairanga i te take tuhituhi.

Kōrero Āpiti

1 E whai ake nei ko te whakamāramatanga o ngā kupu whaitake, kīanga rānei:

nuka reo	He tikanga motuhake hei kawē whakaaro, hei kawē kōrero. Ko ētahi o ngā nuka reo i tēnei paerewa ko te whakatangata, ko ngā kupu honohono, ko ngā kōrero whakarite.
tikanga tuhi	Ko te whakatakoto kupu, arā, ko te kārawarawatanga, ko te wetereo, ko te hanga kupu, ko te hanganga tuhi.
hanganga tuhi	Ko te kupu whakataki, ko te kōwae whakakapi, ko te raupapa o ngā whakaaro, ko te tuhi kōwae, ko te whakatakoto ariā matua me ngā ariā tautoko.

2 Me hāngai te reo ki ngā tikanga tuhi, ki te hanganga tuhi hoki.

3 He whānui ngā momo reo whakamōhio ka taea: he koioranga, he tuhinga roa, he tuhinga pono, he whakaputanga whakaaro, he aha atu, he aha atu.

Kuputaka:

hanganga tuhi	structure of writing
kārawarawatanga	punctuation
koioranga	biography
tuhi kōwae	paragraphing

tikanga tuhi	writing convention
tuhinga whakamōhio	informative piece of writing
wetereo	grammar
whakatangata	personification

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki 0233